

O‘ZBEKISTON RESPUBLIKASI
OLIY TA’LIM, FAN VA INNOVATSIYALAR VAZIRLIGI
O‘ZBEKISTON RESPUBLIKASI MADANIYAT VAZIRLIGI
O‘ZBEKISTON DAVLAT KONSERVATORIYASI

KASBIY (IJODIY) IMTIHONLAR DASTURI
VA BAHOLASH MEZONI

60211500 - Ta’lim yo‘nalishi: Cholg’u ijrochiligi

60211502 – Cholg’u ijrochiligi: torli cholg’ular (skripka, alt),
60211503– Cholg’u ijrochiligi: torli cholg’ular (violonchel, kontrabass) ta’lim
yo‘nalishlari uchun

Toshkent – 2026 yil

Dastur O'zbekiston davlat konservatoriyasining O'quv-uslubiy kengashida ko'rib chiqilgan va ma'qullangan (20 ____-yil ____dagi ____-sonli majlis bayoni).

Tuzuvchilar:

D.P.Ovchinnikov – Torli
cholg'ular kafedrası dotsenti
Y.N.Matveyeva – Torli cholg'ular
kafedrası dotsenti

Taqrizchilar:

A.H. Raimdjanov - O'zbekiston
Respublikasida xizmat ko'rsatgan artist,
Torli cholg'ular kafedrası professor
Y. R. Nikitin - R. Glier nomidagi
kamonli -torli bo'limi boshligi

Kirish

60211502 – Cholg’u ijrochiligi: torli cholg’ular (skripka, alt),” “60211503– Cholg’u ijrochiligi: torli cholg’ular (violonchel, contrabass)” ta’lim yo’nalishlari bo’yicha 1-fan kasbiy (ijodiy) ixtisoslikdan imtihon dasturi, 2-fan Musiqa tarixi va nazariyasi fanidan abituriyentlarning amaliy-nazariy ko’nikma va malakalarini aniqlash uchun mo’ljallangan. Ushbu ta’lim yo’nalishi bo’yicha hujjat topshirgan abituriyentlar musiqiy asarlarni ijro etish borasida ish bajaradilar. Bajariladigan vazifalar tasdiqlangan mezon asosida baholanadi.

1-FAN

“TORLI CHOLG’ULAR IJROCHILIGI”

Fanning maqsadi va vazifalari:

60211502 – Cholg’u ijrochiligi: torli cholg’ular (skripka, alt), 60211503– Cholg’u ijrochiligi: torli cholg’ular (violonchel, contrabass) ta’lim yo’nalishlari bo’yicha ijodiy imtihon dasturi abituriyentlarning amaliy ijrochilik ko’nikma va malakalarini aniqlash maqsadida o’tkaziladi.

Abituriyentlarning umumiy tayyorgarlik darajasi, qobiliyati, iqtidori, bilimi, dunyoqarashi va aql zakovati hisobga olingan tarzda me’yoriy dasturni o’zlashtirish ustida ish olib boriladi.

“Torli cholg’ular ijrochiligi” fanini o’zlashtirishdan kelib chiqadigan vazifalar abituriyentlar turli yo’nalishlarda bilimlarga ega bo’lganliklarini o’zlarining ijro mahoratini namoyish etishlaridan iboratdir. Asosiy e’tibor professional darajali ijroni mukammallashtirishga, uni yuqori badiiy saviyada ko’rsatib berishga qaratiladi. “Torli cholg’ular ijrochiligi” fani yuzasidan abituriyent davr talabiga binoan dunyoqarashi keng bo’lgan, ya’ni insoniyat madaniyati tarixi, rivojlanish pog’onalari xususan, adabiyot va san’at sohasida teran fikr yuritish bilan birga, yangi paydo bo’lgan kompyuterlar tizimidagi jahon musiqiy dasturlari yuzasidan ham tushuncha, tasavvur, bilim va ko’nikmalarga ega bo’lishi shart.

Abituriyent bilimiga qo’yiladigan talablar

60211502 – Cholg’u ijrochiligi: torli cholg’ular (skripka, alt), 60211503– Cholg’u ijrochiligi: torli cholg’ular (violonchel, contrabass) ta’lim yo’nalishi bo’yicha o’qishga kirayotgan abituriyent 30 daqiqagacha davom etadigan ijro dasturini taqdim etishi shart.

Cholg’uda ijro dasturi

60211502 – Cholg’u ijrochiligi: torli cholg’ular (skripka, alt), va Cholg’u ijrochiligi: torli cholg’ular (violonchel, contrabass) ta’lim yo’nalishlariga ariza

topshirgan barcha abituriyentlar belgilangan ro'yxat asosida, yakka tarzda, tayyorlangan dasturni fortepiano jo'rligida yoddan ijro etishadi.

Abituriyent asarlar nota matnini xatosiz, asarning sur'atini ko'rsatilgan tezlikda, ijro shtrixlarini to'g'ri qo'llagan holda, intonatsiya sofligiga amal qilib, barcha artikulyatsiya talablarini bajarib, shuningdek, pozitsiya va applikaturani to'g'ri qo'llagan holda, asarni badiiy mohiyati va milliy xususiyatlarini to'liq ochib bergan holatda ijro etishi zarur. Asarda musiqiy ifoda vositalarining qo'llanilishi, tovush kuchi va uni boshqarish hamda uning sifati asosiy ahamiyatga ega.

SKRIPKA

- komissiya talabiga muvofiq ikki gamma (major va minor)
- turli texnik vositasida ijro etiladigan ikki etyud
- turli kayfiyatdagi kichik shakldagi ikkita asar (sokin va serharakat).
- I.S.Baxning sonata va partitalaridan turli kayfiyatdagi ikki qism.
- katta shakldagi asarining (Konsertining birinchi yoki ikkinchi va uchinchi qismlari, yoki sonataning ikkita kism)

ALT

- komissiya talabiga muvofiq ikki gamma (major va minor)
- turli texnik vositasida ijro etiladigan ikkita etyud
- turli kayfiyatdagi kichik shakldagi ikkita asar (sokin va serharakat)
- Alt Solo uchun polifonik asarning ikki qismi (sokin va serharakat)
- Alt uchun katta shakldagi asarining (Konsertining birinchi yoki ikkinchi va uchinchi qismlari, yoki sonataning ikkita kism)

VIOLONCHEL

- komissiya talabiga muvofiq ikki gamma (major va minor)
- turli texnik vositada ijro etiladigan ikkita etyud
- turli kayfiyatdagi kichik shakldagi ikkita asar
- katta shakldagi asarining (Konsertining birinchi yoki ikkinchi va uchinchi qismlari, yoki sonataning ikkita kism)
- I.S.Baxning yakkaxon viyolonsel uchun syuitalaridan turli kayfiyatdagi ikki qism.

KONTRABAS

- komissiya talabiga muvofiq ikki gamma (major va minor)
- turli texnik vositada ijro etiladigan ikkita etyud
- kichik shakldagi ikkita asar (sokin va serharakat).
- katta shakldagi asarining (Konsertining birinchi yoki ikkinchi va uchinchi qismlari, yoki sonataning ikkita kism)

ARFA

- komissiya talabiga muvofiq ikki gamma (major va minor)
- turli texnik vositada ijro etiladigan ikkita etyud
- Arfa Solo uchun polifonik asari
- kichik shakldagi asar
- katta shakldagi asarining (Konsertining birinchi yoki ikkinchi va uchinchi qismlari, yoki sonataning ikkita kism)

Ijodiy imtihonda abituriyent tomonidan bajariladigan amaliy ish quyidagi mezonlar asosida baholanadi:

Ijro dasturi (ixtisoslik) bo'yicha baholash mezonlari:

<u>№</u>	Ijro talablari	To'liq javob uchun ball
1	Asar nota matnining to'g'riligi	10,0 ballgacha
2	Tovush sifati va uni boshqarish	10,0 ballgacha
3	Applikaturaning qo'llanishi	10,0 ballgacha
4	Sahna madaniyati	10,0 ballgacha
5	Artikulyatsiya talablarining bajarilishi	10,0 ballgacha
6	Musiqiy ifoda vositalarining to'g'ri qo'llanishi	10,0 ballgacha
7	Shtrix va dinamik belgilarning ishlatilishi	10,0 ballgacha
8	Intonatsiya sofligi	10,0 ballgacha
9	Asar xususiyatining ochib berilishi	10,0 ballgacha
10	Sur'atning to'g'ri tanlanishi	3,0 ballgacha
Jami		93,0 ball

Ijro dasturi (ixtisoslik) bo'yicha to'plash mumkin bo'lgan maksimal ball - 93,0 ball.

2-FAN

MUSIQA TARIXI VA NAZARIYASI

“Musika tarixi va nazariyasi” fanidan sinovlar 3 bosqichda o'tkaziladi:

1-bosqichda abituriyent **“Musika adabiyoti”** fani bo'yicha og'zaki savollarga javob berishi lozim.

2-bosqichda abituriyent **“Garmoniya”** fani bo'yicha amaliy topshiriqlarni bajarishi lozim.

3-bosqichda abituriyent **“Solfedjio”** fani bo'yicha amaliy topshiriqlarni bajarishi lozim.

1-bosqich “Musika adabiyoti” fanidan sinovlar dasturining asosiy maqsadi

- abituriyentlarning “Musika adabiyoti” fanidan nazariy bilim doirasi, amaliy

ko'nikmalarining shakllanganligi qay darajada ekanligini aniqlashdan iborat. Ma'lumki, musiqiy asarlarni ijro etilishida ularning yaratilish davri, yo'nalishi, janri va shakli tamoyillari yuzasidan bilim ko'nikmalariga ega bo'lish talab etiladi. Shunga ko'ra abituriyentlar oldiga quyidagi vazifalar qo'yiladi:

- musiqiy asarlarni yaratilish davri, yo'nalishi, janri va shakl tamoyillarini bilish;
- mumtoz musiqaning yetuk namunalari xususida birlamchi bilimga ega bo'lish.

Abituriyent bilimiga qo'yiladigan talablar

Abituriyent "Musika adabiyoti" fanidan o'quv dasturi doirasida to'laqonli bilimga ega bo'lganligini og'zaki yoki yozma xolda namoyish etishi, o'z javobini musiqiy namunalarni fortepiano sozida chalib ko'rsatish yoki kuylab berish orqali tasdiqlashi talab etiladi. Sinov jarayonida abituriyentning eruditsiya, madaniy hodisalarni anglash, musiqa san'atining tarixiy jarayonlardagi ahamiyatini tushunish kabi xususiyatlari yorqin namoyon bo'lishi kerak.

"Musika adabiyoti" fanidan og'zaki topshiriqlar:

a) ijro dasturiga oid savollar: (asarning shakl jihatidan tahlili, muallifi, yaratilgan davri va ijro yo'nalishi, ijroning badiiy xususiyatlari v.h);

b) o'rta maxsus ta'limning umumiy kursi darajasida musiqa adabiyotidan bilimlarni;

v) janr va shakl nuqtai nazaridan kichik hajmdagi sonatina, romans, kuy va boshqa asarlarni tahlil qilish qobiliyati kabilarni o'z ichiga oladi;

Shuningdek, "Musika adabiyoti"da abituriyentning musiqa san'ati va boshqa san'at turlaridan, o'zbek va chet el musiqasida ma'lum va mashhur asarlar, zamonaviy an'analar haqidagi bilim darajasi qanday ekanligi bilib olinadi.

1-bosqich bo'yicha baholash mezonlari:

№	Savollar mazmuni	To'liq javob uchun ball
1	Asarga oid savollar	3,0 ballgacha
2	Chet el musiqa adabiyoti bo'yicha savollar	6,0 ballgacha
3	O'zbek musiqa adabiyoti bo'yicha savollar	6,0 ballgacha
4	Asarning janr va shakl nuqtai nazaridan tahlili	6,0 ballgacha
Jami		21,0 ball

1-bosqich "Musika adabiyoti" fani bo'yicha baholash uchun qo'yiladigan maksimal ball — 21,0 ball.

2-bosqich “Garmoniya” fanidan sinovlar dasturining asosiy maqsadi - abituriyentlarning “Garmoniya” fanidan nazariy bilim doirasi, amaliy ko‘nikmalarining shakllanganligi qay darajada ekanligini aniqlashdan iborat.

Abituriyentlar oldiga quyidagi vazifalar qo‘yiladi:

- klassik garmoniyaning nazariy qonuniyatlarini bilish;
- nazariy bilimlarni fortepianoda ijro etish orqali namoyon etish;
- garmonik tushunchalarini qo‘llash orqali Davriya shaklida I darajali turdosh tonallikka modulyatsiyani fortepianoda ijro etish, diatonik yoki xromatik sekventsialarni ijro etish.

Abituriyent bilimiga qo‘yiladigan talablar

Abituriyent “**Garmoniya**” fanidan o‘quv dasturi doirasida to‘laqonli bilimga ega bo‘lgan holda og‘zaki mashqlarni xatosiz bajarish, garmonik qonuniyatlarni yechimini fortepianoda erkin namoyon etish, tahlil jarayonida garmonik nazariy va amaliy ko‘nikmalarini namoyish qilish, shuningdek, fan bo‘yicha bilimlari yuqori badiiy darajada bo‘lishi kerak. Talabaning garmonik eshitish qobiliyati, garmonik tuzilmalarni fortepianoda ijro etish mahorati yorqin namoyon bo‘lishi kerak.

Garmoniya fanidan abituriyent tomonidan bajariladigan amaliy ish quyidagi mezon asosida baholanadi:

OG‘ZAKI TOPSHIRIQLAR

1. Davriya shaklida I darajali turdosh tonallikka modulyatsiyalarni fortepianoda ijro etish.
2. Diatonik yoki xromatik sekventsialarni ijro etish.

2-bosqich bo‘yicha baholash mezonlari:

№	Savollar mazmuni	To‘liq javob uchun ball
1	Davriya shaklida I darajali turdosh tonallikka modulyatsiyani fortepianoda ijro etish.	15,0 ballgacha
2	Diatonik yoki xromatik sekventsialarni ijro etish.	6,0 ballgacha
Jami		21,0 ball

2-bosqich “Garmoniya” fani bo‘yicha qo‘yiladigan maksimal ball – 21,0 ball.

3-bosqich “Solfedjio” fanidan sinovlar dasturining asosiy maqsadi – barcha ixtisosliklar uchun musiqiy eshitishni rivojlantirish va kasbiy tayyorlanishda eng muhim predmetlardan hisoblanadi. Musiqiy eshitish darajasining yuqoriligi, kuylash

malakasi va musiqiy xotirani kuchliligi xonanda va dirijyorlarni tarbiyalashda katta ahamiyatga egadir.

Fanni o'zlashtirishdan kelib chiqadigan vazifalar — abituriyentlar turli yo'nalishlarda bilimlarga ega bo'lganliklarini namoyish etishlaridan iboratdir. Solfedjio fani bo'yicha talabalar o'rganilayotgan materialning qaysi millatga taalluqli bo'lishidan qat'iy nazar musiqiy eshitish, xotirani har tomonlama rivojlantirish, kuylash va tinglash jarayonida tovush tozaligini nazorat qilish kabi tasavvur, tushuncha va bilimlarga ega bo'lishi lozim.

Abituriyent bilimiga qo'yiladigan talablar

Abituriyent "Solfedjio" fanidan o'quv dasturi doirasida to'laqonli bilimga ega bo'lishi, notaga qarab kuylashi, musiqiy-nazariy va amaliy ko'nikmalarini ko'rsatib berishi, shuningdek, fan bo'yicha bilimlari yuqori darajada bo'lishi talab etiladi. Talabaning solfedjio fanidan qobiliyati yorqin namoyon bo'lishi kerak.

Solfedjio fanidan abituriyent tomonidan bajarilgan amaliy ish quyidagi mezon asosida baholanadi:

OG'ZAKI:

1. Notanish bir ovozli misollarni dirijyorlik qilib kuylash.
2. Intervallar va akkordlarni eshitib aniqlash.

3-bosqich bo'yicha baholash mezonlari:

№	Savollar mazmuni	To'liq javob uchun ball
1.	Notanish bir ovozli misollarni dirijyorlik qilib kuylash:	
a)	Tonallikni to'g'ri aniqlash	2,0 ballgacha
b)	Sof kuylash	7,0 ballgacha
c)	Ritmik ketma-ketlikka aniq rioya qilish	6,0 ballgacha
2.	Intervallar va akkordlarni eshitib aniqlash	6,0 ballgacha
Jami		21,0 ball

3-bosqich "Solfedjio" fani bo'yicha qo'yiladigan maksimal ball — 21,0 ball.

"Musiqqa tarixi va nazariyasi" fani bo'yicha qo'yiladigan maksimal ball - 63,0 ball.

Mazkur ta'lim yo'nalishida kasbiy (ijodiy) imtihonlarga jami qo'yiladigan maksimal ball – 156,0 ball.

Ijodiy imtihonni o'tkazish tartibi

60211502 – Cholg'u ijrochiligi: torli cholg'ular (skripka, alt), 60211503– Cholg'u ijrochiligi: torli cholg'ular (violonchel, contrabass) ta'lim yo'nalishiga hujjat

topshirgan abituriyent jadval asosida oldindan belgilangan muddatlarda Toshkent shahridagi O'zbekiston davlat konservatoriyasi binosida ijodiy imtihon topshiradi. Imtihonlar yakka tartibda Qabul komissiyasi tomonidan belgilangan auditoriyalarda o'tkaziladi.

Ijodiy ishni qabul qiladigan komissiya abituriyentdan ijro dasturi bo'yicha imtihonni qabul qilib oladi.

Apellyatsiya tartibi

Oliy ta'lim tashkiloti rektori (direktori)ning buyrug'i bilan 3 nafardan kam bo'lmagan tarkibda sohaning yetuk mutaxassisleri va oliy ta'lim tashkilotining tajribali xodimlari, professor-o'qituvchilaridan iborat apellyatsiya komissiyasi tashkil etiladi. Apellyatsiya komissiyasi tarkibiga kasbiy (ijodiy) imtihon komissiyasi a'zolarining kiritilishiga yo'l qo'yilmaydi. Imtihonni qabul qilgan kasbiy (ijodiy) imtihon komissiyasi a'zosi apellyatsiya jarayonida qatnashib, o'z fikrini bildirish huquqiga ega.

Abituriyentlarning apellyatsiya shikoyatlari kasbiy (ijodiy) imtihon natijalari e'lon qilingan kundan (vaqtdan) boshlab 24 soat ichida qabul qilinadi va apellyatsiya komissiyasi tomonidan uch kun muddat ichida ko'rib chiqiladi. Abituriyent apellyatsiya shikoyatini ko'rib chiqishda ishtirok etish huquqiga ega. Apellyatsiya arizasining ko'rib chiqilish vaqti va joyi haqida abituriyentga kamida bir kun oldin xabar beriladi.

Apellyatsiya murojaati faqat abituriyentning o'zi to'plagan ballari yuzasidan qabul qilinadi. Boshqa abituriyentlarga oid shikoyat arizalari ko'rib chiqilmaydi.

Asos: O'zbekiston Respublikasi Vazirlar Mahkamasining 2025-yil 13-sentabrdagi 578-son qaroriga 1-ilova bilan tasdiqlangan Nizom.